

Scripturam diuinitus inspiratam esse vtilem non solum *πρὸς διδασκαλίαν*, *2. Tim. 3. 16.*
πρὸς παιδείαν, πρὸς ἐπανόρθωσιν, hoc est, ad doctrinam veritatis, ad institutio-
 nem pietatis, ad correctionem profanitatis, sed etiam *πρὸς ἔλεγχον* ad re- *2. Cor. 10. 4.*
 dargutionem falsitatis? & illud: Arma militiæ nostræ esse diuinitus vali-
 da ad subuersionem munitionum, &c. Siquidem *Mosis & Prophetarum*
aliorum scriptis, ipsa iam vetustate authenticis Ecclesia carebit: In nouis vero scri-
pturis elenchos contra istos non inueniet?

Videmus igitur, quantam cladem, imo pestem Ecclesia machinentur Anabapti-
 sta, & alii id genus fanatici, Manichæorum soboles, Mosen etiam hoc pretextu
 ex Ecclesia exturbantes, quia habeat velamen, & quia sit seruus. Manet, inquit, *2. Cor. 3. 14*
 vsq; ad diem hodiernum in lectione Veteris Testamenti, non reiectum
 velamen illud, quod per Christum tollitur. Ergo Moses cum suo velamine
 per Christum sublatus est. Atqui sensum Apostoli manifeste illi deprauant. Manet
 velamen: Sed quibus? Nobisne, qui reiecta facie gloriam Domini, ut in speculo,
 intuemur? Imo Iudeis manet, qui Mosis lectioni & literæ tantum intenti, gloriosum
 vero Spiritus ministerium, hoc est, Euangelium asspernantes, voluntaria cecitate se
 ipsos inuoluunt. Nec dicit Apostolus Mosen per Christum tolli: sed velamen Mo-
 sis tolli. Quomodo autem tollitur? An Mosis ex Ecclesia exturbatione? Nequa-
 quam, sed Iudeorum illuminatione & conuersione ad Christum. Postquam enim
 (inquit) cor eorum conuertum fuerit ad Dominum: tolletur velamen.
 At Moses erat seruus. Seruus vero non manet in domo: Filius manet in *Iohan. 8. 34*
 æternum, inquit Christus. Filio igitur exhibito, seruus est eiiciendus domo, nec
 Moses audiendus in Ecclesia præsentem Domino, quia hoc esset seruum heri equare
 aut anteferre, Das hiesse die Leuitle von Christo zurück auff Mosen weisen/ dice-
 bant Anabaptista in colloquio Francotalensi Anno 1571.

Verum, quid obstat, quin si verum est, seruo non dari locum in domo, præsentem
 Domino, non solum Mosen cum Prophetis aliis, sed omnes Apostolos, Doctores, pa-
 stores, aut quotquot sunt aut fuerunt serui Christi, ex Ecclesia vno cumulo eiiciamus,
 quin imo ipsos etiam fanaticos Anabaptistas cum suis seductoribus, qui & ipsi ser-
 ui Christi esse volunt, domo exturbemus, ut nimirum vacua seruis Domus Domini
 relinquatur? Est igitur horribilis furor, verba Domini sic deprauare, & in fidelissi-
 mum seruum (qualis ab ipso Domino Deo Moses prædicatur) malitiose illud contor- *Hebr. 3. 5.*
 quere, quod in seruum peccati seu nequam à Christo est dictum apud Iohannem:
 Qui committit peccatum, seruus est peccati. Seruus autem non ma-
 net in domo in æternum: sed Filius manet. Serui igitur nequam (cuiusmodi
 sunt fanatici) in domo Dei non manent. Serui autem frugi & fideles (qualis fuit Mo-
 ses in tota domo Dei) manet in domo: Nam super hos Dominus effundit Spiritum
 suum: his dispensat talenta sua ad negotiandum: hos conducit ad laborandum in vi-
 nea, ad operandum in messe. Neque vero ideo seruus non est audiendus, quia Domi-
 nus magis est audiendus: neque est Domino seruum equare aut anteferre, seruum de
 Domino testificantem audire, & in seruo Dominum venerari. Nam etiam Domi-